



Izvještaj o radu za 2014. godinu

UVOD

Tekuću godinu je obilježio intenzivan proces izgradnje kapaciteta organizacije. Obavljena je preregistracija udruženja, izabrani novi organi upravljanja, kreiran i usvojen određen broj internih pravilnika i procedura, nabavljena neophodna oprema za optimalan rad udruženja te je omasovljeno članstvo organizacije. Osoblje je steklo nove vještine i znanja pohađajući treninge iz različitih oblasti. Takođe, ovaj period je dalje iskorišten za dalje umrežavanje i razvoj saradnje sa drugim organizacijama i neformalnim grupama. Može se zaključiti da Centar za mlade “KVART” ima uspostavljene odnose sa svim relevantnim organizacijama i grupama iz BiH.

Tokom ovog perioda, paralelno sa procesom izgradnje kapaciteta odvijala se i promocija aktivnosti i udruženja među populacijom mladih u Prijedoru kroz različite outreach aktivnosti.

Osim navedenih outreach aktivnosti za mlade, udruženje je tokom ove godine realizovalo i niz drugih programskih projekata i aktivnosti koje su imale za cilj propitivanje problematizovanje bitnih društvenih pitanja, uglavnom povezanih sa ljudskim pravima, suočavanjem sa prošlošću i izgradnjom kulture sjećanja.

Zbog svog angažmana osoblje i članovi Centra za mlade “KVART” su često bili na žrtve govora mržnje i incidenata počinjenih iz mržnje.

Kao dokaz prepoznatljivosti organizacije svakako može poslužiti i izbor organizacije u UO Mreže za izgradnju mira BiH.

O NAMA

Prema novousvojenom Statutu, Centar za mlade “KVART” je mirovno, ljudskopravaško, nestranačko, nevladino i neprofitno udruženje građana zasnovano na beskompromisnom poštovanju univerzalnih ljudskih vrijednosti kao što su mir, nenasilje, demokratija, sloboda, jednakost, poštovanje ljudskih prava, antifašizam i pravda. Djelovanje Centra za mlade “KVART” je usmjereno na mlade kao najvitalnijeg dijela društva i najadekvatnijeg za postizanje pozitivne društvene promjene.

Ciljevi definisani Statutom su:

1. Afirmacija univerzalnih ljudskih vrijednosti kao što su mir, nenasilje, demokratija, sloboda, jednakost, poštovanje ljudskih prava, antifašizam i pravda u društvu, sa posebnim osvrtom na ostvarivanje održivog mira i nenasilnog pristupa rješavanju konflikta u našem društvu.
2. Iniciranje, organizovanje i unapređenje udruživanja mladih u cilju ostvarivanja zajedničkih interesa mladih.
3. Podsticanje aktivnog uključivanja mladih u društvene procese u ciju poboljšanja položaja mladih i ostvarivanja pozitivne društvene promjene.
4. Podsticanje i aktivan angažman u ciju promjene odnosa prema prošlosti, sa posebnim akcentom na aktivno uključivanje mladih u ove procese.
5. Afirmacija i rad na ostvarivanju ljudskih prava i socijalnoj integraciji, posebno ugroženih i marginalizovanih grupa kao što su mladi, ruralno stanovništvo, žene, LGBT osobe i drugi.
6. Podsticanje i unapređenje ostvarivanja radničkih prava, sa posebnim osvrtom na rješavanje nezaposlenosti i ostvarivanje radničkih prava mladih.
7. Kreiranje i unapređenje alternativnog i kritičkog pristupa u kulturi mladih, te podsticanje korištenja kulture i umjetnosti kao alata u postizanju pozitivne društvene promjene.
8. Jačanja neformalnog pristupa obrazovanju mladih kroz kreiranje i realizaciju projekata i programa neformalne edukacije za mlade.
9. Poboljšanje socio-ekonomske i zdravstvene slike u društvu posebno poboljšanje socio-ekonomske i zdravstvene slike mladih kroz realizaciju preventivnih i interventnih programa i projekata.
10. Unapređenje zaštite životne sredine i podizanje ekološke svijesti u društvu.
11. Uspostavljanje i poboljšanje saradnje sa institucijama, udruženjima građana i drugim relevantnim subjektima u cilju ostvarivanja zajedničkih interesa.
12. Istraživanje, praćenje i analiza potreba u društvu, posebno potreba mladih.
13. Kreiranje, izdavanje i distribucija publikacija iz oblasti od interesa udruženja.

Centar za mlade “KVART” je aktivan član Mreže za izgradnju mira u BiH, Koalicije za borbu protiv institucionalne diskriminacije “Jednakost”, Koalicije za borbu protiv govora mržnje i zločina počinjenog iz mržnje i Inicijative za monitoring EU integracija u BiH.

PROJEKTI I AKTIVNOST

Projekti:



1. Tri (poslije)ratna druga

Ovaj projekat je nastavljen iz prethodne godine, te je završen u februaru ove godine. Obuhvatao je saradnju sa novinarkom Barbarom Matejčić iz Hrvatske i imao je za cilj promociju primjera pomirenja u BiH. Aktivnosti su se odnosile na organizovanje javnog događaja tokom trajanja turnira u sjedećoj odbojci te produkciju i objavljivanje novinarskog članka na portalu BUKA. Projekat je realizovan iz programa malih grantova projekta “X-press, društvena uključenost putem medija” koji implementira Helsinški parlament građana Banja Luka.

2. Mladi za pomirenje

Projekat su implementirale tri partnerske organizacije iz Prijedora i Kozarca: Centar za mlade “KVART”, OHU Čisto srce i “Optimisti 2004”, uz finansijsku podršku Savjeta/Vijeća Evrope. Realizacija aktivnosti je podrazumijevala rad na uključivanju i mobilnosti mladih iz lokalne zajednice kroz različite kulturne, kreativne i edukativne radionice i akcije.



Neke od njih su: street art radionice, koncerti za mlade, omladinski kamp, ulične akcije, obilježavanje bitnih datuma, projekcije filmova i druge. Realizacija projekta je trajala godinu dana.



Od aktivnosti se posebno ističe značaj omladinskog kampa “Kamp Kozarac 2014” koji je do sada implementirala Inicijativa mladih za ljudska prava a od ove godine se u organizaciju uključuju i lokalne organizacije.



3. Susreti sa autorima “Pomjiranje vidika Vol. 2”

Ovaj projekat je realizovan u saradnji sa Friedrich Ebert Fondacijom i predstavlja nastavak saradnje uspostavljene u prethodnoj godini. Obuhvatao je organizovanje niza panel debata koje su tematizovale probleme vezane sa suočavanjem sa prošlošću, izgradnjom kulture sjećanja i

tranzicionom pravdom. Realizovane su 3 debate sa relevantnim autorima i autoricama a samo neki od njih su: Dino Mustafić, Damir Imamović, članovi benda Dubioza Kolektiv, Damir Arsenijević i drugi.

4. Partnerki projekat: Međuetnička povezanost mladih u zagovaranju za zajedničke potrebe

Glavni nosilac projekta je Fondacija za kreativni razvoj iz Sarajeva uz finansijsku podršku Ambasade SAD u Sarajevu. Aktivnosti u Prijedoru su obuhvatale treninge iz društveno značajnih tema za mlade, treninge iz oblasti audio i video montaže, te samostalnu realizaciju zagovaračkih kampanja sa temama koje su mladi prepoznali kao značajne u svojoj lokalnoj zajednici. Video materijal nastao tokom projekta je služio za kreiranje video priloga za emisiju Hayd u Park. Ove aktivnosti su organizovane od strane mladih uključenih u projekat. Projekat će se nastaviti i u narednoj godini.



5. Partnerski projekat: Radionice za audio, video i print novinarstvo

Projekat se realizuje sa Udruženjem za kulturnu i medijsku dekontaminaciju iz Sarajeva, koje je bilo i glavni nosilac projekta. Finansijsku podršku za ovaj projekat je pružila Ambasada SAD u Sarajevu. Projekat je podrazumijevao organizovanje jednodnevnih edukacija za mlade na temu audio, video i print novinarstva nakon kojih su mladi imali zadatak da samostalno produkuju jednogminutne filmove.

6. Formalno-pravne radnje za inicijativu Jer me se tiče

Ove radnje se odvijaju kontinuirano od 2013. godine i nastavlja se i u ovoj godini. Obuhvata ustupanje računa organizacije, obavljanje finansijskih transakcija, izradu izvještaja ali i korištenje neophodnih organizacionih i infrastrukturnih resursa kao što su telefon, internet, ljudski resursi.




Aktivnosti:

1. Podjela humanitarne pomoći porodicama ugroženim u majskim poplavama.



Nakon ovogodišnjih majskih poplava u Centar za mlade “KVART” je dopremljeno dvije i po tone humanitarne pomoći, koje su skupile i poslale Mlade antifašistkinje Zagreba. Izbor naše organizacije je rezultat razvoja odnosa saradnje i povjerenje sa drugim organizacijama i grupama iz države i regiona. Aktivisti_ice su tokom perioda nakon poplava distribuisali_e dopremljenu pomoć na teritoriji naše opštine koja je bila zahvaćena poplavama, pri čemu se vodilo računa o izboru korisnika_ica tako da je humanitarna pomoć

stigla socijalno najugroženijem poplavljenom stanovništvu. Ova akcija je izvedena u koordinaciji sa drugim organizacijama i institucijama koje su se bavile prikupljanjem i distribucijom humanitarne pomoći.



2. Komemoracija u Trnopolju

Zbog loših vremenskih uslova 4. avgusta kada se obilježava raspuštanje logora Trnopolje, za razliku od prošle godine, ova aktivnost je realizovana u zatvorenom prostoru umjesto na autentičnom mjestu logora. Tokom ove manifestacije održan je niz aktivnosti kao što su panel debata, promocija publikacije, projekcija filma, te nastupi mladih sa svojim radovima. U sklopu komemoracije je dodijeljena Nagrada za borbu protiv poricanja genocida koju

dodjeljuje Udruženje Prijedorčanki Izvor. Ovogodišnji laureat je bio Oliver Frlić, pozorišni režiser iz Hrvatske.

3. Obilježavanje Dana sjećanja na žrtve holokausta

Ovaj značajan datum je obilježen prikazivanjem prikladnih video poruka i panel debatom. Gosti_šće su bili_e Srđan Šušnica i Gordana Katana dok je debatu moderirao Nikola Kuridža. Debata je održana u Hotelu Prijedor. Nakon same debate je uslijedila živa rasprava među publikom i posjetiocima_teljkama o mogućnostima upotrebe drugih iskustava u našim procesima suočavanja sa prošlošću.

4. Obilježavanje Međunarodnog dana žena

Ova aktivnost je realizovana u saradnji sa Oštrom nulom i Banjalučkim udruženjem kvir aktivista. Podrazumijevala je uličnu akciju na Trgu Krajine u Banjoj Luci, gdje su poslane poruke neprihvatljivosti učestalog kršenja ženskih ljudskih prava i nasilja nad ženama.

5. IDAHO

Međunarodni dan borbe protiv homofobije i transfobije je organizovalo Banjalučko Udruženje Kvir Aktivista u partnerstvu sa našom i drugim organizacijama. Program obilježavanja 17. maja počeo je sa projekcijom filmova koji propituju položaj LGBT populacije u BiH. Takođe je uključivao i izložbu fotografija na veće pomenutu temu, diskusijom sa članovima iicama trans zajednice u BiH i druge aktivnosti. Događaj je organizovan u DKC Incel u Banjoj Luci.



6. Čitalačka grupa “Jezik, moć, ideologija”

Čitalačka grupa je nastala dosta ranije ali se aktivisti_ice Centra za mlade “KVART” u organizaciju i aktivno učestvovanje u grupi uključuju ove godine. Grupa je nastala na inicijativu prof. dr Danijele Majstorović sa Filološkog Fakulteta iz Banja Luke a grupa je imala praksu da se sastaje jednom sedmično, u Prijedoru i Banjoj Luci naizmjenično. Na sesijama grupe su se obrađivali i analizirali tekstovi relevantnih društvenih teoretičara i teoretičarki. Ova inicijativa okuplja uglavnom mlade

aktiviste_ice i teoretič_e iz Banja Luke, Prijedora i drugih gradova u BiH. U organizaciju samih čitalačkih sastanaka je bila uključena i Oštra nula iz Banja Luke.

7. Podjela novogodišnjih paketića



Tokom realizacije koncerata u sklopu projekta “Mladi za pomirenje” su skupljena određena sredstva putem dobrovoljnih priloga posjetilaca_teljki koja su bila utrošena za kupovinu novogodišnjih paketića. U saradnji sa Udruženjem porodica sa četvoro i više djece Roda iz Prijedora organizovana je dodjela novogodišnjih paketića djeci koja dolaze

iz višečlanih porodica koje su bile ugrožene od majskih poplava.

U sklopu ove aktivnosti je podijeljeno 80 novogodišnjih paketića. Pored već pomenute podjele, u sklopu projekta “Mladi za pomirenje” podijeljeno je i 40 novogodišnjih paketića učenicima_icama OŠ “Mladen Stojanović” iz Ljubije.



Ostale aktivnosti

Osim već pobrojanih projekata i aktivnosti Centar za mlade “KVART” je učestvovao u organizaciji i mnogih drugih aktivnosti kao što su saopštenja za medije i otvorena pisma povodom aktuelnih društvenih događaja, ulične i protestne akcije, žalbe Ombdusmenu i drugim organizacijama koje se bave pružanjem pravne pomoći ali i u drugim aktivnostima.

Od aktivnosti u kojima je KVART učestvovao i bio lokalni koorganizator izdvaja se učešće u Sajmu omladinskih nevladinih organizacija (SONVO) 2014. , prezentacija Ustava BiH za mlade organizovan od strane The European Law Students Association (ELSA) BiH, javno govorenje o zločinu počinjenom iz mržnje u organizaciji Asocijacije za demokratske inicijative i mnoge druge.

Tokom ove godine, našu organizaciju su posjetili_e mnogi_e relevantni društveni akteri, a izdvaja se posjeta delegacije Carnegie Council-a, aktivista_ica iz Njemačke, polaznici_e Regionalne škole za tranzicionu pravdu u organizaciji Fonda za humanitarno pravo iz Beograd i drugi_e.

Na prijedlog naše organizacije, Draganu Bursaću iz portala BUKA dodijeljena je novinarska nagrada Srđan Aleksić.

Centar za mlade “KVART”je uzeo učešće u mnogim konferencijama, edukacijama i drugim aktivnostima partnerskih i drugih organizacija civilnog društva.

Mnoge saradnje sa drugim organizacijama, grupama i pojedincima_kama su konkretizovane kroz različite oblike djelovanja. Tokom ove godine smo stekli partnerstva sa organizacije sa kojima smo u najbližem podržavajuem i solidarnom odnosu, a samo neke od njih su Oštra Nula, Helsinški parlament građana Banja Luka, Udruženje likovnih umjetnika TAČ.KA, Friedrich Ebert Fondacija, Banjalučko Udruženje Kvir Aktivista, Sarajevski otvoreni centar, Udruženje Prijedorčanki Izvor, Optimisti 2004, Udruženje logoraša “Prijedor 92.”, Helsinški odbor za ljudska prava RS, Civil Rights Defenders i mnogi drugi.


ZAKLJUČAK

Za 2014. godinu se može reći da je bila veoma intenzivna i puna izazova za našu organizaciju. Nakon ove godine možemo zaključiti da je Centar za mlade “KVART” izgradio reputaciju i prepoznatljivost kako na državnom tako i na regionalnom nivou te dao novu vrijednost civilnom sektoru u BIH. Organizacija je prepoznata po svojoj beskompromisnosti u zalaganju za uspostavljene vrijednosti i ciljeve, posebno u domenu osjetljivih društvenih pitanja kao što je suočavanje sa prošlošću i izgradnja kulture sjećanja. Osim toga, jedna od značajnih karakteristika našeg rada svakako je prisustvo u javnom prostoru i korištenje javne i medijske prisutnosti za promociju vrijednosti i postizanje ciljeva ali i za ukazivanje na neprihvatljive društvene i institucionalne prakse. Centar za mlade “KVART”, iako je prisutan i na entitetskom i državnom nivou, veliku većinu svojih aktivnosti i definisanih ciljeva sprovodi na lokalnom nivou.


Tokom ove godine aktivisti_ice su se, kao i organizacija uspjeli izboriti i sa čestim napadima, prijetnjama i provokacijama koje su dolazile od strane neistomišljenika.

U narednom periodu nam svakako predstoji rad na daljem razvoju kapaciteta organizacije ali i dalji programski razvoj u smislu definisanja novih strateških pravaca djelovanja i njihovo razvijanje i konkretizovanje.

Tim CZM "KVART"



Goran Zorić
Izvršni direktor
Tel +387 (0)65 83 55 66
g81zoric@yahoo.com



Branko Ćulibrk
Finansijski menadžer
Tel +387 (0)65 980 864
brzibranko@gmail.com



Zorana Dabić
Kordinatorka projekta
Tel +387 (0)65 381 409
dabiczorana@gmail.com

Informacije o organizaciji

Centar za mlade "KVART"

Zanatska 13, 79 101 Prijedor

Tel +387 (0)52 981 118

Fax +387 (0)52 961 118

www.centarzamladekvartprijedor.blogspot.com

